

唐
音
統
籤

皮簣十三方干之四

唐音統籤卷六百四

七言律詩一

郭中山居

莫見一瓢離樹上猶須四壁在林間
沈吟不寐先聞角屈曲登高自有山
澗石迸泉聽未足亞牕紅果臥堪攀
公卿若便遺名姓却與禽魚作往還

山中言事

日與村家事漸同燒松啜茗學隣翁
池塘月撼芙蓉浪牕戶涼生薜荔風
書幌晝昏嵐氣裏巢枝夜折雪聲中
山陰釣叟無知己窺鏡憐多鬢欲空

山中言事

歌枕亦吟行亦醉臥吟行醉更何營貧來猶有故
琴在老去不過新髮生山鳥踏枝紅果落家童引
釣白魚驚潛夫自有孤雲侶可要王侯知姓名

鑑湖西島言事

蒲拙幸便荒僻地縱聽猿鳥亦何愁偶斟藥酒欺
梅雨鄰着寒衣過麥秋歲計有時添橡實生涯一
半在漁舟世人若便無知己應向此溪成白頭

初歸鏡中寄陳端公

去歲離家今歲歸孤帆夢向島前飛必知蘆笋侵

井兼被藤花占石磯雲島採茶常失路雪龕中
酒不關扉故交若問逍遙事玄冕何曾勝葦衣

湖北有茅齋湖西有松島輕棹往返頗諧素
心因成四韻

湖北湖西往復還朝昏只處自由間暑天移榻就
深竹月夜乘舟歸淺山遶砌紫鱗歛枕釣垂簷野
果隔窗攀古賢暮齒方如此多笑愚儒鬢未斑

偶作

直爲篇章非動衆遂令軒蓋不經過未妨溪上泛
漁艇又爲門前張雀羅夜學事須憑雪照朝厨爭

唐詩集
卷之十一
奈絕烟何若於巖洞求倫類今古踈愚似我多

感時三首

不覺年華似箭流
朝看春色暮逢秋
正嗟新塚垂青草
便見故交梳白頭
雖道了然皆是夢
應還達者卽無愁
破除生死須齊物
誰向穹蒼問事由
日烏往返無休息
朝出扶桑暮却迴
夜雨旋驅殘熱去
江風吹送早寒來
纔憐飲處飛花片
又見書邊聚雪堆
莫恃少年欺白首
須臾還被老相催
世途擾擾復憧憧
直恐華夷事亦同
歲月自消寒暑內
榮枯盡在是非中
今朝猶作青衿子
明日還

自白首翁堪笑，愚夫足紛競。不知流水去無窮。

自縉雲赴郡，溪流百里輕棹一發，曾不崇朝。
敘事四韻寄獻段郎中

激箭溪湍勢莫憑，飄然一葉若爲乘。仰瞻青壁開
天罅，斗轉寒灣避石稜。巢鳥夜驚離島樹，啼猿晝
怯下崖藤。此中明日尋知己，恐似龍門不易登。

路入剡中作

截灣衝瀨片帆通，高枕微吟到剡中。掠草並飛憐
燕子，停橈獨飲學漁翁。波濤漫撼長潭月，楊柳斜
牽一岸風。便擬乘槎應去得，仙源直恐接星東。

叙錢塘異勝

暖景融融寒景清
越臺風送曉鐘聲
四郊遠火燒
煙月一道驚波撼郡城
夜雪未知東岸綠
春風猶放半江晴
謝公吟處依稀在
千古無人繼盛名

登龍瑞觀北巖

縱目下看浮世事
方知峭崿與天通
湖邊風力歸
帆上嶺頂雲根在雪中
促韻寒鐘催落照
斜行白鳥入遙空
前人去後後人至
今古異時登眺同

遊張公洞寄陶校書

步步勢穿江底去
此中危滑轉身難
下蒸陰氣松

蘿濕外制溫風杖屨寒數里烟雲方覺異前程世
界更應寬由來委曲誨仙路不似先生換骨丹

東山瀑布

這夜看來宜月照平明失去被雲迷掛巖遠勢穿
松塢擊石殘聲注稻畦素色噴成三伏雪餘波流
作萬年溪不緣真宰能開決應向前山一作山前雜淤
泥

石門瀑布

奔傾漱石亦噴苔此事便隨

一作是皆從

元化來片影

掛巖輕似練遠聲離洞咽於雷氣含

一作松桂千

松桂千

枝潤勢畫雲霞一道開直是銀河分派落兼聞碎
滴灑天台

題仙巖瀑布呈陳明府

方知激蹙與噴飛直恐古今同一時遠壑流來多
石脉寒空撲碎作凌澌謝公巖上衝雲去織女星
邊落地遲聚向山前更誰測深沉見底是澄漪

題松江驛

補

便向中流出太陽兼疑大岸逼浮桑門前

一作白樹間

道通丹

一作天

闕浪裏青山占幾鄉帆勢落斜依浦

波聲斷續在滄茫古今悉不知天意偏把雲霞

燭一方

桐廬江閣

風烟百變無定態
緬想盡人虛損心
卷箔檻前沙鳥散
垂釣牀下錦鱗沉
白雲野寺凌晨磬
紅樹孤村遙夜砧
此地四時拋不得
非唯盛暑事開襟

尚書新創敵樓二首

下馬政成無一事
應須勝地過朝昏
笙歌引出桃花洞
繡繡擁來金谷園
十里水雲吞半郭
九秋月入千門
常聞大厦堪棲息
燕雀心知不敢言
異境永爲歡樂地
歌鐘夜夜復年年
平明旭日生

牀底薄暮殘霞落酒邊雖向檻前窺下界不知牕裏是中天直須分付丹青手画出旌幢遶謫仙

睦州呂郎中郡中環溪亭

爲是仙才登望處風光便似武陵春閑花半落猶
遶蝶白鳥雙飛不避人樹影興餘侵枕簟荷香坐
久著衣巾暫來此地非多日明主那容借寇恂

題睦州郡中千峰榭

豈知平地似天台朱戶深沉別徑開曳響露蟬穿
樹去斜行沙鳥向池來牕中早月當琴榻牆上秋
山人酒盃何事此中如世外應緣羊祜是仙才

鹽官王長官新創端隱亭

指畫便分元化力周迴秀絕自清機孤雲戀石尋
常住落絮繁風特地飛雛鳥啼花催釀酒驚魚漈
水誤沾衣明年秋滿難將去何似先教畫取歸

題長洲陳明府小亭

坐看孤峭却勞神還是微吟到日曛松鶴認名呼
得下沙蟬飛處聽猶聞夜闌亦似深山月雨後唯
闌滿屋雲便此逍遙應不易朱衣紅旆未容君

題盛令新亭

舉目豈知新智慧存思便是小天台偶嘗嘉果求

枝去因問名花寄種

一作子

來春物誘才歸健筆夜

歌牽醉入叢杯此中難遇逍遙事計日應爲印綬
催

再題路支使南亭

行處避松兼礙石卽須門徑落斜開愛邀舊友看

漁釣貪聽新禽駐酒盃樹影不隨明月去溪聲

一作

常送落花來睡時分得江淹夢五色毫端美逸

才

題慈溪張丞壁

因君貳邑藍溪上遣我維舟紅葉時共向鄉中非

半面俱驚鬢裏有新絲
竚看孤潔成三考
應笑愚疎拾一枝
貌似故人心尚喜
相逢况是舊相知

題陶詳校書陽羨隱居

芸香署裏從容步
陽羨山中笑傲情
竿底紫鱗輪釣伴
花邊白犬吠流鶯
長潭五月含冰氣
孤檣中

宵學

一作帶

雨聲便泛扁舟應未得
鴟夷棄相始垂

名

題越州袁秀才林亭

清邃林亭指畫開
幽巖別派像天台
坐牽蕉葉題詩句
醉觸藤花落酒盃
白鳥不歸山裏去
紅鱗多

白鏡中來終年此地爲吟侶早起尋君薄暮迴

書吳道隱林亭

薛謝莎亭蘿篠陰依稀氣象似山林橘枝亞路黃
苞重并脉穿湖碧甃深稚子遮門留熟客驚蟬入
座避遊禽四鄰不見孤高處翻笑騰騰只醉吟

孫氏林亭

池亭纔有二三畝風景勝於千萬家瑟瑟林排全
巷竹猩猩血染半園花並牀欹枕逢春盡援筆持
盃到日斜卽角卽知成白首而今歡笑莫咨嗟

題桐廬謝逸人江居

清世

一作少小

高眠無一事五侯勲盛欲如何湖邊倚

杖

一作竹

寒吟苦石上橫琴夜醉多鳥白樹梢隨果

落人從牕外卸帆過由來朝市爲真隱可要棲身

向薜蘿

書桃花塢周處士壁

醉吟雪

一作雲

月思深苦思苦神勞華

一作新

髮生自

學古賢修靜節唯應野鶴識高情細泉出石飛難

盡孤燭和雲濕不明

張爲取爲主客圖

何事嬾於嵇叔夜

更無書札答公卿

旅次洋州寓居郝氏林亭

舉目縱然非我有思量似

一作如

在故山時鶴盤遠

勢投孤嶼蟬曳殘聲過別枝

何光遠云此句詠繫風雅體絕物理齊梁

以來未之有也詩人罷唱矣

涼月照牕欹枕倦澄泉遶石泛觴

遲青雲未得平行去夢到江南身旅羈

題法華寺絕頂禪家壁

蒼翠迢嶢逼宵冥下方雷雨上方晴飛流便向砌

邊挂片月影從窗外行馴鹿不知誰結侶野禽多

是自呼名只應禪者無來去坐看千山白髮生

書法華寺上方禪壁

砌下松巔有鶴棲孤援亦在鶴邊啼臥聞雷雨歸

巖早坐見星辰去地低一逕穿緣應就郭千花掩
映似無溪是非生死多憂惱此日蒙一作憑師爲破
迷

題龍泉寺絕頂

未明先見海底日良久遠雞方報晨古樹含風長
帶雨寒巖四月始知春中天氣爽星河近下界時
豐雷雨勻前後登臨思無盡年年改換去來人

再題龍泉寺上方

牛斗正齊羣木末鳥行橫截衆山腰路盤砌下兼
穿竹井在巖頭亦繞潮海岸四更看日出石房三

月任花燒未能割得繁華去難向此中其寂寥

題應天寺上方兼呈謙上人

補

中天坐臥見人寰峭石垂藤不易攀晴卷風雷歸
故壑夜和猿鳥鎖寒山勢橫綠野蒼茫外影落平
湖激澗間師在西巖最高處路尋之字見禪關

題報恩寺上方

來來先上上方看眼界無窮世界寬崑崙噴空晴
似雨林蘿礙日夏多寒衆山迢遞皆相疊一路高
低不記盤清峭關心惜歸去他時夢到亦難判

寧國寺

新城縣

補

深僻孤高無四隣
白雲明月自相親
海中日出山先曉
世上寒輕谷未春
窗逼野溪聞唳鶴
林通村徑見樵人
此時唯有雷居士
不厭藍輿去住頻

題寶林山禪院

山捧亭臺郭遠山
遙盤蒼翠到山巔
岳中占井雖通海
窟裡陰雲不上天
羅列衆星依木末
周廻萬室在簷前
我來可要歸一作禪老一寸寒灰已達禪

題澄聖塔院上方

地靈直是饒雲雨
杉檜老於雲雨間
只訝牕中一作

前
常見海方知砌下更多山
遠泉勢曲猶須引野
果枝低可要攀
若把重門諭玄寂
何妨善閉却無
關

題烏龍山禪居

曙後

一作暑夜

月華猶冷濕自知坐臥通天

一作星

宮晨

雞未暇鳴山底早日先來照屋東
人世驅馳方丈內海波搖動一盃中
伴師長住應難住歸去仍須入俗籠

題龜山穆上人院

修持百法

一作白髮

過半百日徃月來心更堅
床上下水

雲隨坐夏林西山月伴行禪寒
蛸遠韻來聽裏白鳥斜行起砌
邊我愛尋師師訪我只應尋訪是
因緣

題龍瑞觀兼呈徐尊師

或雨或雲常不定地靈雲雨自無
時世人莫識神方字仙鳥偏棲藥
樹枝遠壑度年如晦暝陰溪入夜
有凌澌此中唯有師知我未得尋
師卽夢師

戊籤十三方干之五

唐音統籤卷六百五

七言律詩二

陪胡中丞泛湖

仙舟仙樂醉行春上界稀逢下界人
綺繡峰前聞野鶴旌旗影裏見遊鱗
澄潭徹底齊心鏡雜樹含芳讓錦茵
凡許從容誰不幸就中光顯是州民

陪王大夫泛湖

去去凌晨廻見星木蘭舟穩画橈輕
白波潭上魚龍氣紅樹林中雞犬聲
蜜炬燒殘銀漢昃羽觴飛急玉山傾
此時檢點諸名士却是漁翁無姓名

陪李郎中夜宴

紀事云李餘杭守也謂于苦吟未能應卒因夜宴以飛字

韻命賦之
于詩立成

間世星郎夜宴時
丁丁寒漏滴聲稀
琵琶絃促一作

急
千般語鸚鵡
盃深四散飛
遍請玉容歌
白雪高

燒紅燭
照朱衣
人間有此榮華事
一作惑事
猶如此
爭遣

漁翁戀釣磯

同蕭山陳長官縣樓登望

坐看南北與西東
遠近無非禮義中
一縣繁花香
送雨五枝垂
柳綠牽風寒
濤背郭喧
還靜驛路穿
林斷復通
仲叔受恩多
感戀徘徊却怕
酒壺空

和剡縣陳明府登縣樓

郭裏人家如掌上
簷前樹木映牕櫺
烟霞若接天台地
分野應侵婺女星
驛路古今通北闕
仙溪日夜入東溟
綵衣才子多吟嘯
公退時時見畫屏

和于中丞登扶風亭

避石攀蘿去不迷
行時舉步似丹梯
東軒海日已先照
下界晨雞猶未啼
郭裏雲山全占寺
村前竹樹半藏溪
謝公吟望多來此
此地應將峴首齊

對花

清曉入花如步障
戀花行步步遲遲
含風欲綻中

心朶似火應燒外面枝野客須拚終日醉流鶯自有隔年期使君坐處笙歌合便是列仙身不知

獻浙東王大夫二首

出鎮當時移越俗致君何日不堯年到來唯飲長
溪水歸去應將一個錢吟處美人擎筆視行時飛
鳥避旌旄四方皆是分憂寄獨有東南戴二天
王臣夷夏仰清名領鎮猶爲失意行已見玉璫曾
上釣何愁金馬不和羹譽將星月同時朽身應山
河滿數生泥滓雲霄至懸濶漁翁不合見公卿

獻王大夫二首

都緣聲價振皇州高臥中條不自由
早副急徵來鳳沼常陪內宴醉龍樓
鏘金玉字能援筆釣玉三年信直鉤
必恐借留終不遂越人相顧已先愁

一作生

功成猶自更行春塞路旌旗十里塵
只用篇章爲教化不知夷夏望陶鈞
金章照耀浮光動玉面生猊細步勻
歷任聖朝清峻地至今依是少年身

越中言事二首

咸通八年鄭珣公到任後作

異術閑和合聖明湖光浩氣共澄清
郭中雲吐啼猿寺山上花藏調角城
香起荷灣停棹飲絲垂柳

月二日
陌約鞭行遊人今日又明日不覺鏡中新髮生
雲霞水木共蒼蒼元化分功秀一方百里湖波輕
撼月五更軍角慢吹霜沙邊賈客喧魚市島上潛
夫醉簪莊終歲逍遙仁術內無名耳老買臣鄉

德政上睦州胡中丞

上德由來合動天旌旗到日是豐年羣書已熟無
人似五字研成舉世傳莫道政聲同宇宙須知紫
氣滿山川豈唯里巷皆蘇息猶有恩波及釣船

上杭州杜中丞

昔用雄才登上第今將重德合明君苦心多爲安

民術援筆皆成出世文
寒角細吹孤嶠月
秋濤橫卷半江雲
掠天逸勢應非久
一鶚那棲衆鳥羣

上越州楊嚴中丞

補

連枝棣萼世無雙
未乘鴻鈞擁大邦
折桂早聞推獨步
分憂暫輟過重江
晴尋鳳沼雲中樹
思遶嵇山枕上窗
試把十年辛苦志
問津求拜碧油幢

上杭州姚郎中

能除

一作消

疾癘似良醫
一郡鄉風當日移
身貴久

離行樂伴才高
獨作後人師
春遊下馬皆成醺
吏散看山卽有詩
借問公方與文道
而今中夏更傳

誰

初歸故里獻侯郎中

常思舊里欲歸難已作歸心卽自寬此日早知無
爵位當時便令把漁竿朝昏入閩春將逼城邑冬
山夏却寒不是幽恩望榮泰若侯異禮亦何安

處州獻盧員外

纔下輟車卽歲豐方知盛德與天通清聲漸出寰
瀛外喜氣全歸教化中落地遺金終日在經年滯
微作下當時空直綠後學無功業不慮文翁不至公

上鄭員外

爲郡至公兼至察古今能有幾多人憂民亦似清
吟苦守節還如未達貧利刃從前堪切玉澄潭到
底不容塵潛夫豈合干旌旆其棹漁舟下釣綸

上張舍人

海內芳聲誰可並承家三代相門深剖符已副東
人望援筆曾傳聖主心此地清廉雖飲水四方焦
熱待爲霖他年莫學鴟夷子遠泛扁舟用鑄金

陽亭言事獻漳州于使君

重疊山前對酒罇騰騰兀兀度朝昏平明疎磬白
雲寺遙夜孤砧紅葉村去鳥豈知煙樹遠驚魚應

覺露荷翻旅人寄食逢黃菊每見北辰思故園

前

廬江閣紅樹孤村
連夜祗干屢用之

漳州于使君罷郡如之任漳南去上國二十

四州使君無非親故

漳南罷郡如之任二十四州相次迎泊岸旗幟郵
吏拜連山風雨探人行月中倚棹吟漁浦花底垂
鞭辭鳳城聖主此時思共理又應何處救蒼生

狂寇後上劉尚書

孫武傾心與萬夫削平妖孽在斯須纔施偃月行
軍令便見台星逼座隅獨柱楷天寰海正雄名蓋

世古今無聖君爭不酬功業仗下高懸破賊圖

謝王大夫奏表

補

非唯言下變榮衰大海可傾山可移如剖夜光歸
暗室似驅春氣入寒枝死灰到底翻騰焰朽骨隨
頭却長肥便殺微躬復何益生成恩重報無期

贈李郢端公

非唯孤峭與世絕吟處斯須能變通物外搜羅歸
大雅毫端剪削有餘功山川正氣侵靈府雪月清
輝引思風別得人間上昇術丹霄路在五言中

贈李支使

藥成平地是寥天三十人中最少年白雪振聲來
輦下青雲開路到床前公卿位近應翹足荀宋才
微可拍肩一等孔門爲弟子愚儒獨自賦歸田

贈夏侯評事

俯窺盛德與高節緬想應無前後人講論參同深
到骨停騰姹女立成銀基功過却楊玄寶易義精
於梅子真朱紫侯門猶不見可知岐路有風塵

荊山贈洪拾遺

聖代諫臣停諫舌求歸故里傲雲霞溪頭講樹纜
漁艇篋裏朝衣輪一作酒家但愛身閒辭祿俸那

嫌歲計在桑麻我來幸與諸生異問答時容近絳
紗

題贈李校書

名場失手一年年月桂嘗聞到手邊誰道高情偏
似鶴自云長嘯不如蟬衆花交艷多成實深井通
潮半雜泉却是偶然行未到元來有路上寥天

贈處州段郎中

幸見仙才領郡初郡城孤峭似山居杉蘿色裏遊

亭樹

一作登臺閣

瀑布聲中閱簿書德重自將天子合

情高元與世人疎寒潭是處清連底賓席何心望

食魚

贈信州高員外

溪勢盤迴繞郡流，饒陽春色滿溪樓。
豈唯啼鳥催人醉，更有繁花香客愁。
蹇拙命中迷直道，仁慈風裏駐扁舟。
膺門若感深恩去，終殺微軀未足酬。

贈山陰崔明府

用心何況兩衙間，退食孜孜亦不閑。
壓酒曬書猶檢點，修琴取藥似交關。
笙歌入夜舟中月，花木知春縣裏山。
平叔正堪湯餅試，風流不合問年顏。

登新城縣樓贈蔡明府

楊震東來是宦遊，政成登此自消憂。
草中白道穿村去，樹裏清溪照郭流。
縱目四山宜永日，開襟五月似高秋。
不知縣籍添新戶，但見川原桑柘稠。

嘉興許明府

攜李轉聞風，教好重門夜不上。
重關腰懸墨綬三年外，身去青雲一步間。
勤苦字人酬帝力，從容對客問家山。
昇沉路別情猶在，不忘鄉中舊往還。

贈會稽張少府

高節何曾似任官，藥苗香潔備常餐。
一分酒戶添猶得，五字詩名隱卽難。
笑我無媒生鶴髮，知君有

意借漁竿明年莫便還家去鏡裡雲山且共看

贈蕭山彭少府

作尉孜孜更寒苦操心至癖不爲清雖將劒鶴支
殘債猶有歌篇取盛名盡擬勤求爲弟子皆將疑
義問先生與君相識因儒術歲月彌多別有情

贈上虞胡少府百篇

求仙不在鍊金丹輕舉由來別有門日晷未移三
十刻風騷已及四千言宏才尚遣居卑位公道何
曾雪至冤歛板塵中無恨色應緣利祿副晨昏

宋從事

出衆仙才是謫仙裁霞曳繡一篇篇雖將潔白酬
知己自有風流助少年歌枕臥吟荷葉雨持盃坐
醉菊花天冥搜太苦神應乏心在虛無更那邊

賊退後贈劉將軍

非唯吳起與穰苴今古推排盡不如白馬知無髀
上肉黃巾泣向箭頭書二一作五年戰地成桑柘千
里荒榛作比閭功業更多身轉貴佇看幢節引戎
車

王將軍

大志無心守章句終懷上畧致殊功保寧帝業青

萍在投素儒書絳帳空密雪曙連蔥嶺道青松夜
起柳營風將星依舊當文座應念愚儒命未通

贈鄰居袁明府

隔竹每呼皆得應二心親熟更如何文章鍛鍊猶
相似年齒參差不校多雨後卷簾看越嶺更深歌
枕聽湖波朝昏幸得同醒醉遮莫光陰自下坡

贈孫百篇

御題百首思縱橫半日功夫舉世名羽翼便從吟
處出珠璣續向筆頭生莫嫌黃綬官資小必料青
雲道路平才子風流復年少無愁高臥不公卿

贈進士章礪

織錦雖云用舊機，抽梭起樣更新奇。何如且破望
中葉，未可便攀低處枝。籍地落花春半後，打牕斜
雪夜深時。此時才子吟應苦，吟苦鬼神知不知。

贈鄭仁規

一石雄才獨占難，應分二斗借人寰。澄心不出風
騷外，落筆全歸教化間。蓮幕未來須更聘，桂枝纔
去卽先攀。可憐麗句能飛動，荀宋精靈亦厚顏。

贈錢塘湖上唐處士

我愛君家似洞庭，衝灣潏岸夜波聲。蟾蜍影裏清

吟苦解艤舟中白髮生常共酒杯爲伴侶復聞紗
帽見公卿莫言舉世無知己自有孤雲一作霞識此
情

贈黃處士

閉戶先生無是非竹灣松樹藕苗衣愁吟密雪思
難盡醉倒殘花扶不歸若出薛蘿迎鶴簡應拋舴
艚別漁磯到頭苦節終何益空收文星作少微

贈華陰隱者

少微夜夜當仙掌更有何人在此居花月傳應一作

有浴鶴松蘿本自

一作主

伴刪書素琴醉去經宵

枕蓑髮寒

一作開

來向日梳故國多年歸未遂因逢

此地憶吾廬

贈中巖王處士

垂楊裊裊草芊芊氣象清虛學洞天
援筆便成鸚鵡賦洗花須用桔槔泉
商於避世堪同日澗曲逢時必有年
直恐剛腸閒未得醉吟爭奈被才牽

贈五牙山人洗修白

變通唯在片時間此事全由一粒丹
若取壽長延至易如嫌地遠縮何難
先生濶別能輕舉弟子纔來學不食
簞裡生塵是閑藥外沾猶可救衰殘

贈天台葉尊師

莫見平明離少室須知薄暮入天台
常時愛縮山川去有夜自携星月來
靈藥不知何代得古松應是長年栽
先生暗笑看一作觀基者半局基邊白髮催

贈乾素上人

補

苦用貞心傳弟子卽應低眼看公卿
水中明月無踪跡風裏浮雲可計程
庭際孤松隨鶴立窗間清磬學蟬鳴
料師多劫長如此豈算前生與後生

贈式上人

縱居鰲角喧闐處亦共雲溪遠僻同萬慮全離方
寸內一生多在一作多五言中菱荷葉上難停雨
松檜枝間自有風莫笑旅人終日醉吾將大醉與
禪通

貽高讜

都緣相府有宗兄却恐妨君正路行石上長松自
森秀雪中孤玉更凝明西陵曉月中秋色北固軍
聲半夜聲幸有清才與洪筆何愁高節不公卿

酬將作于少監

由來至寶出毫端五色炎光照室寒仰望孤峰知

聳峻前臨積水見波瀾水絲織絡經心久瑞玉雕
磨措手難不是散齋兼拭目尋常未便借人看

與桐廬鄭明府

字人心苦達神明何止重門夜不扃莫道畊田全
種秫兼聞退食亦逢星映林顧兔停琴壑隔水寒
猿駐筆聽却恐南山盡無石南山有石合爲銘

戊籤十三方干之六

唐音統籤卷六百六

七言律詩三

寄靈武胡常侍

青雲直上路初通已在明君倚注中
欲遣爲霖安九有先令作相贊東宮
自從忠讜承天睠更用文篇續國風
最是何人感恩德謝敷星下釣漁翁

寄杭州于郎中

雖云聖代識賢明自是山河應數生
大雅篇章無弟子高門世業有公卿
入樓早月中秋色遶郭寒潮半夜聲
白屋青雲至懸闕愚儒肝膽若爲傾

漳州陽亭言事寄于使君

謝守登城對遠峰
金英泛泛滿金鐘
樓頭風景八九月
牀下水雲千萬重
紅旆朝昏雖許近
清才今古定難逢
鯉魚縱是凡鱗鬣
得在膺門合作龍

歸睦州中路寄侯郎中

顏巷蕭條知命後
膺門感激受恩初
却容鶴髮還螭舍
猶夢魚竿從隼旟
新定暮雲吞故國
會稽春草入貧居
鄉中自古爲儒者
誰得公侯降尺書

寄于少監

修持清苦振佳聲
衆鳥那知一鶚情
躡屐三千皆

後學搏風九萬卽前程名將日月同時朽身是山

河應數生從此雲泥更懸濶漁翁不合見公卿後又

四句與前獻王大夫多同結語則三用之矣

寄江陵王少府

分手頻曾變寒暑迢迢遠意各何如波濤一阻兩

鄉夢歲月無過雙鯉魚吟處落花藏筆硯睡時斜

雨濕圖書此來俗輩皆疎我唯有故人心不疎

寄台州孫從事百篇登第初授華亭尉

聖世一作代科名酬志業一作氣仙山一作山川秀絕一作色

助神機梅真入仕提雄筆阮瑤從軍着綠衣晝寢

不知山雪積春遊應趁夜潮歸相思莫訝音書晚
鳥去猶須疊一作日飛

秋晚林中寄寶幕

八月蕭條九月時沙蟬海燕各分飛益益未稱嘗
生酒砧杵先催試熟衣泉漱玉聲衝石竇橘垂朱
實壓荆扉無過縱有家山思印綬留連爭得歸

思越中舊遊寄友

甸外山川無越國依稀只似劍門西鏡中疊浪搖
星斗城上繁花咽鼓鼙斷臂青猿啼玉笥成行白
鳥下耶溪此中一作早年曾是同遊處迢遞尋君夢不

迷

歲晚言事寄鄉中親友

急景蒼茫晝若昏
夜風乾峭觸前軒
寒威半入龍虵窟
暖氣全歸草樹根
蠟燭凝來多碧焰
香醪滴處有冰痕
尺書未達年應老
先被新春入故園

途中言事寄居遠上人

舉目時時

看

作似故園鄉心自動向誰言
白雲曉

濕寒山寺紅葉夜飛明月村
震澤風帆歸橘峴錢塘水府抵城根
羨師了達無牽束竹筵生苔掩竹門

別胡中丞

二年朝夜見雙旌心鬼知恩夢亦驚幽賤粗能分
救麥從容豈合遇公卿吹噓若自毫端出羽翼應
從肉上生却恨此身唯一死空將一死報猶輕

別從兄郅

展翅開帆祇待風吹噓成事古今同已呼斷鴈歸
行裏全勝枯鱗在轍中若許歿前恩少報終期言
下命潛通臨岐再拜無餘事願取文章達聖聰
與鄉人鑒休上人別

此日因師語鄉里故鄉風土我偏諳一卮竹葉如

溪北半樹梅花似嶺南山夜獵徒多信犬雨天村
舍未催蠶如今休作還家意兩鬢垂絲已不堪

送王侍郎浙東入朝

自將苦節酬清秩肯要龐眉一個錢恩愛已蘇句
踐國程途却上大羅天魚池菊島還公署沙鶴松
栽入畫船密奏無非經濟術從容幾刻在鑪烟

送睦州侯郎中赴闕

昔著政聲聞國外今留儒術化江東青雲舊路歸
仙掖白鳳新詞入聖聰絃管未知銀燭曉旗幡已
待錦帆風郡人難議酬恩德徧在三年禮遇中

送杭州李員外

政成何用滿三年上界羣仙待謫仙便副一作新

恩歸紫禁還從舊路上青天笙歌怨咽當離席更

漏丁東在畫船必恐一作正駐班留立位前頭咫尺

是鑑烟

送鄭端公

聖主佇知宣室事豈容才子滯長沙隨珠此去方

酬德趙璘當時誤指吸驄馬將離江浦月繡衣却

照禁中花應憐寂寞滄洲客煙漢塵泥相去賒

送錢特卿赴職天台補

路入仙溪氣象清
垂鞭樹石罅中行
霧昏不見西陵岸
風急先聞瀑布聲
山下縣寮張樂送
海邊津吏棹舟迎
詩家弟子無多少
唯只於余別有情

志前四句爲絕句
改題爲入天台山誤

送永嘉王令之任二首

定擬孜孜化海壖
須判素髮侮流年
波濤不應雙溪水
分野長如二月天
浮客若容開荻地
釣翁應免稅芝田
前賢未必全堪學
莫讀當時歸去篇

雖展縣圖如到縣
五程猶入縉雲東
山間閣道盤

嵒一作花

底海界孤峯

一作村

在浪中禮法未聞離漢

制土宜多說似吳風
字人若用非常術
唯要旬時便立功

送人宰永泰

非人雖泛南流水
稱意南行莫恨賒
道路先經毛竹嶺
風烟漸近刺桐花
舟停漁浦猶爲客
縣入樵溪似到家
下馬政成王事少
應容閑吏日高衙

送婺州許錄事

之官便是還鄉路
白日堂堂着錦衣
八詠遺風資逸興
二溪寒色助清威
曙星沒盡提綱去
暝角吹殘鏤甲歸
笑我中年更愚僻
醉醒多在釣漁磯

送葉秀才赴舉兼呈呂少監

君辭萬里一年期藝至身心亦自知樽盡離人看
北斗月寒驚鵲遶南枝青迴冊市祜應絕棹出村
潭菊未衰與爾相逢終不遠昨聞秘監在台墀

送弟子伍秀才赴舉

天遣相門延積慶今同太廟薦嘉賓柳條此日同
誰折桂樹明年爲爾春倚棹寒吟漁浦月垂鞭醉
入鳳城塵由來不要文章得要且文章出衆人

揆

送晉陵王少府赴舉

相看_不忍盡離觴五兩牽風速去檣遠驛新砧旗
弄月初程殘角未吹霜越山直下分吳苑淮水橫
流入楚鄉珍重鄰家好兄弟明年祿位在何方

送吳彥融赴舉

用心精至自無疑千萬人中似汝稀上國才將五
字去全家便待一枝歸西陵柳路搖鞭盡北固潮
程掛席幾想見明年勝前事當時分散著來衣

送王霖赴舉

自古主司看

一作賦

薦士明年應是不參差須憑吉

夢爲先兆必恐長才偶盛時北闕上書衝雪早西

度中酒起潮遲卸說可要真消息只向春前便得
知似是確之

送朱二十赴漣水

到縣却應嫌水濶離家終是見山疎笙歌不駐難
辭酒舟檝將行負擔書爲政必能安楚老向公猶
可釣淮魚鸞鳳取便多如此掠地斜飛上太虛

送陳秀才將遊書上便議北歸

婆娑戀酒山花盡繚繞還家水路通轉檝擬從一

作一

投青草岸吹帆猶是白蘋風淮邊欲暝軍聲急洛
下先寒苑樹空詩句因余更孤峭書題不合忘江

東

送孫百篇遊天台

東南雲路落斜行，入樹穿村見赤城。
遠近常時皆藥氣，高低無處不泉聲。
映巖日向牀頭沒，濕燭雲從柱底生。
更有仙花與靈鳥，恐君多半未知名。

送鄭台處士歸絳巖

榮啓先生挾琴去，厭尋靈勝憶嵒樓。
白猿垂樹牕邊月，紅鯉驚鉤竹外溪。
慣採藥苗供野饌，曾書蕉葉寄新題。
占賢猶愴河梁別，未可忽忽便解携。
因話天台勝異，仍送羅道士。

翡翠千層一徑開遙盤

一作盤紆

山腹到瓊臺藕花飄

落前巖去桂子流從別洞來石上叢林礙星斗
邊瀑布走風雷縱云孤鶴無留滯定亦一作恐烟蘿

不放迴

送道人歸舊巖

補

舊巖終副却歸期巖下有人應識師目親嬰孩成
老叟手栽松栢有枯枝前山低校無多地東海淺
於初去時若把古今相比類姓丁仙鶴亦如斯

送何道者

何事忽來還忽去孤雲不定鶴情高真經與徧添

年壽靈藥分功入鬢毛必擬一身生羽翼終看陸
地作波濤遍尋岳洞求仙者卽恐無人似爾曹

思桐廬舊居便送鑒上人

補

莫道東南路不賒思歸一步是天涯林中夜半雙

臺月

嚴光釣臺者
有東西臺

洲上春深九里花

桐廬有
九里洲

綠樹

遠村含細雨寒潮背郭卷平沙聞師却到鄉中去
爲我殷勤謝酒家

送僧歸日本

補

四極雖云共二儀曉明前後卽難知西方向在星
辰下東域已過寅卯時大海浪中分國界扶桑樹

底是天涯滿帆若有歸風便到岸猶須隔歲期

哭王大夫

補

俗人猶嫉謝臨川果中常清

爲政舊規方

刊國降生真性已歸天峴亭惋咽知無極渭曲馨
香莫計年從此心喪應畢世忍看墳草讀殘篇

哭秘書姚少監

寒空此夜落文星星落文留萬古名入室幾人成
弟子爲儒是處哭先生家無諫草逢明代國有遺
篇續正聲曉向平原陳葬禮悲風吹雨濕銘旌

哭喻鳧先輩

日夜役神多損壽先生下世未中年撰碑縱託登
龍伴營奠應支賣鶴錢孤龍陰風吹細草空牕濕
氣清殘編人間別更無冤事到此誰能與問天

哭江西處士陳陶

壽盡天年命不通釣溪吟月便成翁雖云掛劍來
墳上亦恐藏書在壁中巢父精靈歸大夜客兒才
調振遺風南華至理須齊物生歿卽應無異同

過姚監故居

一作陸補闕故居
入其母著集者誤

不敢要君微亦起致君全得似唐虞謠言昨歎離
天聽新塚今聞入縣圖琴鎖壞牕風自觸鶴歸喬

木月難呼學書弟子何人在檢點猶逢諫草無

題故人廢宅二首

舉目淒涼入破門
鯨人一飯尚知恩
閑花舊識猶含笑
怪石無情更不言
樵叟和巢伐桃李
牧童兼草踏蘭蓀
壺觴笑詠隨風去
唯有聲聲蜀帝魂
寒莎野樹入荒庭
風雨蕭蕭不掩扃
舊徑已知無
孟竹前溪應不沒
荀星精靈消散歸
寥廓功業傳
留在誌銘薄
暮停車更悽愴
山陽隣笛若爲聽

廢宅

主人何處獨徘徊
流水自流花自開
若見故交皆

卷五
去即應新燕不歸來入門綠繞穿荒竹坐石邊
染綠苔應是曾經惡風雨修桐半折損琴材

戊籤十三方干之七

唐音統籤卷六百七

七言律詩四

元日

晨雞兩遍報更闌
刁斗無聲曉漏乾
暖日映山調正氣
東風入樹舞殘寒
軒車欲識人間感
獻歲須來帝里看
纔酌屠蘇定年齒
塵中唯笑鬢毛斑

早春

運行元化不參差
四極中華共一時
正氣纔隨灰律變
殘寒更被野梅欺
冰融大澤朝陽覺
草綠塵根夜雨知
不信風光疾於箭
年來年去變霜髭

春補

年去年來似有期日高添睡是歸時雖將細雨催
蘆笋却用東風染柳絲重霧已應吞海色輕霜猶
自剉花枝此時野客因花醉醉臥花間應不知

除夜

玉漏斯須卽達晨四時吹轉任風輪寒燈短燼方
燒臘盡角新聲已報春明日便爲經歲客昨朝猶
是少年人新正定數隨年減浮世唯應百遍新

月補

桂輪秋半出東方巢鵲驚飛夜未央海上風雲搖

皓影空中露氣濕流光斜臨戶牖通宵燭迴照塔
堦到曉霜庾亮恃才高更逸方聞墨翰已成章

雪中寄薛郎中

野禽未覺巢枝仄稚子先憂徑竹摧半夜忽明非
月午前庭旋釋破春催碎花若入罇中去清氣應
歸筆底來深擁紅爐聽仙樂忍教愁坐盡寒灰

雪中寄李知海判官

聚散聯翩急復遲解將華髮兩相欺雖云竹重先
藏路却訝巢傾不損枝入戶便從風起後照牕翻
似月明時此時門巷無行跡塵滿樽罍誰得知

叙雪獻員外

紛紜宛轉更堪看
壓竹摧巢井徑漫
風柳細條粘不得
春溪綠色蔽應難
清輝直認中庭月
濕氣偏添半夜寒
謝守承吟才更逸
郢詞先至彩毫端

叙雪寄喻鳧

密片無聲急復遲
紛紛猶勝落花時
從容一作遠巡不

覺藏苔遲

一作涉落

宛轉偏宜傍柳絲
透室虛明非月

照滿空迴

一作飛

散是風吹
高人坐臥才方逸
援筆

應成六出詞

又

文苑英華
辨證補

密片繁聲久未銷
縈迴雜轍轉飄飄
澄江莫蔽長流色
衰柳難粘自折條
濕氣添寒酷酒夜
素花迎曙卷簾朝
此時行徑無人迹
唯望徽之問寂寥

雪中寄殷道士

大片紛紛小片輕
雨和風擊亂縱橫
園林入夜寒光動
牕戶凌晨濕氣生
蔽野吞村飄不歇
摧巢壓竹密無聲
山陰道士吟多興
六出花邊五字成

僧院小泉井

亦恐淺深同禹穴
兼云制度象汗鑄
窺尋未見泉來路
緬想應穿石裂痕
片段似冰猶可把
澄清如

鏡不曾昏欲知到底無塵染堪與吾師比性源

山井

灑灑濕光凌竹樹寥寥清氣襲衣襟不知側穴通
潮信却訝輕漣動鏡心夜久卽疑星影過早來猶
見石痕深轆轤用智終何益抱甕遺名亦至今

路支使小池

廣狹偶然非製定猶將方寸像滄溟一泓春水無
多浪數尺晴天幾個星露滿玉盤當半夜匣開金
鏡在中庭主人書釣常來此雖把魚竿醉未醒

于秀才小池

一泓瀲灩復澄明
半日功夫斲小庭
占地未過四五尺
浸天唯入兩三星
鵲舟草際浮霜葉
漁火沙邊駐小螢
纔見規模識方寸
始知立意象滄溟

牡丹

不逢盛暑不衝寒
種子成叢用法難
醉眼若爲拋去得
狂心更擬折來看
凌霜烈火吹無艷
裛露陰霞晒不乾
莫道嬌紅怕風雨
經時猶白未凋殘

牡丹

借問庭芳早晚栽
座中疑展畫屏開
花分淺淺燕支臉
葉墮殷殷膩粉腮
紅砌不須誇芍藥
白蘋何

用還重臺慙懃爲報看花客莫學遊蜂日日來

朱秀才庭際薔薇

繡難相似畫難真明媚鮮妍絕比倫露壓盤條方
到地風吹艷色欲燒春斷霞轉影侵西壁濃麝分
香入四隣看取後時歸故里庭花應讓錦衣新

胡中丞早梅

不獨開花不共時一株寒艷尚參差凌晨未噴含
霜朶應候先開亞水枝芬郁合將蘭並茂凝明應
與雪相欺謝公吟賞愁飄落可得更拈長笛吹

海石榴

亭際天妍日日看每朝顏色一般般滿枝猶待春
風力數朶先欺腸雪寒舞蝶似隨歌拍轉遊人只
怕酒盃乾久長年少應難得忍不叢邊到夜觀一作
歡

袁明府以家醞寄余余以山梅荅贈非唯四
韻兼亦雙關

封匏寄酒提携遠織籠盛梅荅贈遲九度攪和誰
用法四邊窺摘白攀枝罇罍泛蟻堪嘗口童稚驅
禽欲熟時畢卓醉狂潘氏少傾來擲去恰相宜

越州使院竹

莫見凌風飄粉籜須知礙石作盤根細看枝上蟬
吟處猶是舊時蟲餌痕月送綠陰斜上砌露含一作
寒色濕遮門列仙終日逍遙地鳥雀潛來不敢
噴

題新竹

補

青苔斲破植貞堅細碧竿排鬱眼鮮小鳳凰聲吹
嫩葉短蛟龍尾裊輕烟節環膩色端勻粉根拔秋
光暗長鞭惟得入門肌骨冷綴風粘月滿庭前

聽段處士彈琴

幾年調弄

一作七

條絲元化分功十指知泉迸

五言排律

鏡湖西島言事寄陶校書

樵獵兩三戶凋疎是近隣
風雷前壑雨花木後蟲
春文字不得力桑麻難救貧
山禽欺稚子夜大吹
漁人未必聖明代長將雲水親
知音不延薦何路
出泥塵

山中寄吳礪十韻

莫問終休否林中事已成
盤餐憐火種歲計付刀
耕掬水皆花氣聽松似雨聲
書空翹足臥避險側
身行果傍閑軒落蒲連濕岸生
禪僧知見理妻子

笑無名更擬教書

一作詩

苦何曾待酒清石溪魚不

大月樹鵲多驚砌下通樵路窗間見縣城雲山任
重疊難隔故交情

嘉興縣內池閣

指畫應心成周迴氣象新牀前沙鳥語案下錦鱗
驚細柳風吹旋新荷露壓傾微芳綠岸落迸笋入
波生舴艋舟中醉莓苔徑上行高人莫歸去此處
勝蓬瀛

七言排律

山中言事寄贈蘇判官

集止載八句今從文苑英華補足然刪去

者似
勝也

寸心似火頻求薦兩鬢如霜始息機
隔岸雞鳴春糲去鄰家犬吠夜漁歸
倚松長嘯成疎拙拂石欹眠絕是非
執爨縱曾炊橡實紉針爭解補荷衣
常憑早月來張燭亦假清風爲掩扉
多謝元瑜憐野賤時迴車馬發光輝

山中言事八韻寄李支使

補

豈知經史深相悞兩鬢垂絲百事休
受業幾多爲弟子成名一半作公侯
前時射鵠徒拋箭此日求魚未上鉤
竹裏斷雲來枕上巖邊片月在牀頭
過

庭急雨和花落遶舍澄泉帶紫流
緬想遠書聆鵲喜窺尋嘉果覺猿偷
舊詩改處空留韻新醞嘗來不滿觴
阮瑀如能問寒餒風光當日入滄洲

叙龍瑞觀勝異寄于尊師

混元融結致功難山下平湖湖上山
萬頃涵虛寒

漱灑千尋聳翠秀闌斑

一作屏顏

芰荷香入琴碁處雷

雨聲離棟牖間但有五雲依鶴嶺曾無陸路向人

寰夜溪漱玉常堪聽仙樹垂珠可要攀若棄榮名

便居此自然

一作洋

清濁不相關

尊師前年三十從評事棄官入道

侯郎中新置西湖

遠近利民因智力周迴潤物像心源
菰蒲縱感生成惠鱸鮓那知廣大恩
激灑清輝吞半郭縈紆別派入遙村
砂泉遶石通山脉岸木粘萍足浪痕
已見澄來連鏡底兼知極處浸雲根
波濤不起時方泰舟楫徐行日易昏
烟霧未應藏島嶼鳬鷺亦解避旌幡
雖云桃葉歌還醉却被荷花笑不言
孤鶴必應思鳳沼凡魚豈合在龍門
能將盛事添元化一夕機謨萬古存

許員外新陽別墅

蘭汀橘島映亭臺不是經心卽手栽
滿閣白雲隨

雨去一池寒月逐潮來小松出屋和巢長新徑通
村避笋開柳絮風前歌枕臥荷花香裏釣魚回園
中認葉分靈草簷下攀枝落野梅莫恣高情求逸
思須防急詔用長才若因螢火終殘卷便把漁歌
送幾盃多謝郢中賢太守常時譚笑許趨陪

李侍御上虞別業

滿目亭臺嘉木繁燕蟬吟語

一作蟬吟燕語

不爲喧晝潮

勢急吞諸島暑雨聲迴露半村真爲援毫方掩卷
常因按曲便開樽若將明月爲儔侶應把清風遺
子孫繡羽驚弓離果上紅鱗見餌出蒲根尋君未

要先敲竹直棹漁舟入大門

題懸溜巖隱者居

世人如要問生涯滿架堆牀是五車
谷鳥暮蟬聲四散修篁灌木勢交加
蒲葵細織團圓扇薤葉平鋪合選花
却用水荷苞綠李兼將寒井浸
瓜慣緣嶮峭收松粉常趨芳鮮
掇茗芽池上樹陰隨浪動
牕前月影被巢遮坐雲獨酌
盃盤濕翠汁微吟路徑斜
見說公卿訪遺逸逢迎亦是戴烏紗

獻王大夫

高情不與俗人知耻學諸生取桂枝
荀宋五言行

世早巢由三詔出溪遲

大夫佳句云珠箔卷繁
星金樽瀉月明行于世操

心已在精微域落筆皆成典誥詞一鵝難成燕雀
伍非熊本是帝王師賢臣雖繡經邦術明主終無
諫獵時其道百僚愛禮絕兼聞七郡怕天移直緣
材力頭頭贍專被文星步步隨不信重言通造化
須臾便可變榮衰

贈趙常六韻

一作贈趙
常侍御

貞達合逢明聖日風流又及少年時才因出衆人
青娥勢欲摩霄自不知遜遜一作直早年聞苦節從
奉此日見清規却教鸚鵡呼桃葉便遣嬋娟唱竹

枝閑話篇章停燭久醉迷歌舞出花遲雲鴻別有
回翔便應笑啁噓一作燕雀卑

卷終